

شحات 1997م

يا طريق يا مدرويه * بالك اتجيبهم ابعاد الجويه

يدرفن مازالن .. الله ايسامحه خالد دموى سالن.... خطر على اعزاز نين انهالن

ادموى سئل وتميت نبكى كى ابكا العويل...

جبد ذكر ناس اجواد ناض اوهيل اشبوب زعت غيظهن الوقت اشالن

الدمع اجارا وياتن انظارى عالوساد سمارا..

تهين منازل غوشنا واديارا امفير فى منامى عالمطرح جالن..

الشعبه وكاف السمن والقطاره وواجنانات هندی يشهدن مازالن

وقبر الشهيد اللى عزيز مزاره وواقبور ناس لو يمكن انقولوا قالن

وما من اوجيها زين جا وتوارا ... مالغصه بعد ليام شوره مالن...

جذع كان يسما وله مقداره وودع الدنيا كى امراضه طالن..

خطرها الا مدعى تريس عصارا عزانا عليهم دمع به ينهالن

انظارى عليهم بالدموع غزارا غالباتى قاللى نهى ما سالن

.. لقد زرت عبد الونيس محمود رفقة اللواء عمر الحريري في اثينا في شهر يوليو عام

2011م عندما كنا مكلفان من المجلس الانتقالي لزيارة اليونان وطلب مساعدتها

والاعتراف بثورة 17 فبراير حيث ذهب معنا عبد الونيس محمود إلى وزارة الخارجية

والجامعة ومكتب رئيس الوزراء باعتباره لاجئاً سياسياً باليونان.

كان عبد الونيس مشتاقا لرؤيتنا في غربته وأبدى فرحته العارمه بثورة 17 فبراير
وكانت صحته لازالت محتاجة للعلاج لكن حينه الجارف للوطن لا يمكن تصويره وهو
يسرد سنوات الظلم والقهرمع رفيقه الحريري لهذا الوطن.

كتب هذه القصيدة في زيارة لجامعة عمر المختار:

سيدك عمر يا ما لهد بحصانه *** ويا ما معا لاجواد شال عنانه
سيدك عــــدا *** لا يوم ذل ولا نهار اجــــدا...
ياما طلع تحته احصان وعده *** لاقوت عنده لا اركب سحوانه
عنده رفاقا يدهم في يده *** لا هربوا لا رضيو الوطنك هانه..
اجواد ينغروا عالوطن وقت الشده *** فرسان قسوا ما رضيو بدور عفانه...
سريب الغلامو عيب لكن حده *** امقحز مكانك هذا موش مكانه
سيدك وينــــه *** او وين الرفاقا وينهم يا زينــــه...
اللى قبل كانوا والبلاد حزينه *** ما الهم عالغازى عروق حنانه...
بيش يا مليحه يخلصوا في دينه *** ايهودا اتقول ارتال حرب ديانه..
واليوم يا مليحه وين نحنا جينا *** القينا هنا وانفوسنا مطمانه
ياما كمن ال عــــدوه *** ويا ما اداعا عالمهاجر جــــوا...
فارس ثرى وطنه ابدمه روا *** وروحه امسبلها ال عز كيانه...
وما من نهار شديد قاطب نوا *** نال فيه عز النصر في ميدانه...

- فارس ال عز الوطن دار امرواً *** كتبها سجل المجد فى ديوانه...
- ياما كمن فالغابـه *** ويا ما نظر من هول شين عذابه...
- وياما ثنا واجد ال وطنه جابه *** ويا ما ابغله فرح الحزنانه...
- وما من فخر جابوه هو واصحابه *** ذخيرة امجاد ال وطناً وضنانا...
- ودارولنا تاريخ واسع بابـه *** وابقى صيتنا لافوق عالي شانـه..
- عيب وعـوره *** اتديريلنا مجالس تحت الصورة...
- عدى حرم لاجواد يا غـدوره *** وراعى حرم تاريخنا ومكانه
- سيدك مشا لكن امغلى صورـه *** جميله وما نبولها شى هانه...
- واليوم كان للمجالس فيه ضروره *** شوفى مكان بعيد موش احذانا
- الجلسه بطيب وطرح مى منكوره *** ولا الدين عن عشق الجمال نهانا

قال المبروك الزول بعد اعاقته وتخلى الأصحاب عنه :

اللى يطيح مو مالسريه	***	عليه ما يسالوا رفاقه..
ولايبان فوق امعشيه	***	ولاعاد يحضر املاقا
لوكان بدر يمشوا بضيئه	***	فى ليل نجمه غراقا
ما عاد تسمع زفييه	***	ورا غزى كوكش انياقا
ولا ينسمع حس ادقليه	***	فى يوم عالي اقناقا
ولا عد ايفك الرمييه	***	ولا ايرد مالذود ناقيه
ولاعد ايخش اخلويه	***	بميعاد رابخ طلاقه
ولا عد ايكافى بسيه	***	حتى لو امسك من اخناقه
الفارس اللى مالسريه	***	شيخ من اصحاب اللياقه
عالميعاد كى تصعب قضيه	***	يجيب حلها فى لباقه
عليه هله لو صارت ازيه	***	يباتوا مناكيد ليله افراقه
وهو قبل يردع الميه	***	وان مات ينحسب بالف ناقيه
ماعاد يسوا وقفيه	***	راح مالعجز فى ابراقا
يالله ياغافر السيه	***	خفف اذنوب الرفاقا
ونا زاد خفف عليه	***	شدة حسس هالعاقه
وخفف عل الناس جمليه	***	راهم عبادك وهاقا
كى تجود عندك مزيه	***	تمسح اكبود الزماقا
وصلوا صلاتا زكيه	***	على شفيعنا فى رواقه

قصيدة النخيلة

اللاتنين 21/5/2001م :

بالله وين يا أنخيله أسماح السيرة.....اللي جاوروك أيم عز الجيرة
أسماح الطاري.....اللي جاوروك أيام عزك ضاري
سبحانه اللي كتب عليك البارى....اليوم تصهدي يانك أتقولى سيرة
وهو قبل حايطبك أسناح أشمارى...وأبقيتي وحيدة لا حطب لا غيره

وينهم ما بانوا.....جيرانك اللي محلاك ما يدانوا
أيام طاليه ما من مصايب عانوا....وفيهم اللي صارت لهم تصغيره
حرمة التمه والكرامه صانوا.....الله كريم عاطيهم نفوس كبيره

وين يا مقيومه.....جيرانك اللي كانوا تريس قرومه
سوال النبي ما جن جعافل روما...من شور البحر وأعلن الجيش نفيده
وصار يوم فالصفاصاف تك لحومه.....ويا تيسنا جيف وجيف غيره
وعبد الرحيم أمهدي خيرة قومه.....استشهد ورأيه هو الرأي الخيره
وما من اللي كيغه أيعد اللومه.....عطى الروح كي وطنه أغلي تسعيره

أحكي لا تاوي.....بالله وين بو المهدي ووين أمداوي
وبالله وين من وكر بها الجلاوي....ولريد اللي تحتك أعلي تقذيره
في لعبة الشيزه قديم اسطاوي.....أن حصل البادي ما أيفكه غيره
وبالله وين بو بلعز الوجه الضاوي...ويو كنز سمح الطبع في تبصيره
ويالاك بو قمره أقبي حيطاوي.....او وزيك وين وبوشناف أو غيره
والشايب اللي كامل العمر أبجاوي...أن كان هو مشى يقدع الا أبظهيره
نلقاها أنهم كانوا تريس مقاوي.....واليوم تموا من أرقود الصيره
عليهم ذرفت الدمع عقلي شاوي.....اللي اليوم تموا فالتراب طميره

رثاء لوالده عبد المولى الزول :

ما من أزويل مليح - شحات 2001/6/5م

ما من أزويل مليح تاق أو عدى...
 تاق أهلاله.....
 رسول العناية من كريم تعالي
 وأيام قبل كان الكل حد ثماله.....
 وفي بعثته جايب أحكام عداله.....
 خطرها الا الدنيا اللي حواله.....
 ليام عالبنادم بيرمن بالداله.....
 وكيف ما مشى يمشن سنين الشدة
 ومعا جيته جاء نور داير هاله
 جاب آيته والسيف قوى يده
 وفي فتح مكه جا محمد هده
 حلال وحرام وكل شئ له حده
 ضي وظلام وكل شئ له ضده
 أيجن فالطبيعه كل يوم أبضده

مشى في الحين.....
 خطرها على قصة الحسين.....
 اللي مثلوا به ناس مرتدين.....
 ما أتقول بوه من أكبر أنصار الدين.....
 خطرها الا ليام والتكوين.....
 ومره ومره البارق أبرمشة عين
 في كريلاء عصيان داروا ضده
 جو أبجيش مداعي أستاعر صده
 ولا تقول سيدنا محمد جده
 مداولات ما بين الرخا والشده

تاق علينا.....
 ولا عد أیطل نهار وأیزهينا.....
 ولا يوم عيد أیتوق وأیزهينا.....
 خطرها الوقت اللي تفاضل فينا.....جا وخذ اللي ما ود يسوى وده
 أجعل مقامه في أجوار نبينا.....الشايب اللي عدى بدون معده
 ورد لا ورا ما عد نهار أيجينا
 جميع الدروب العودته منسده
 ولا عد أنحبوا جبهته لا يده

حضر المبروك الزول في اواخر ايامه تفجير برجى التجاره العالميه بالولايات المتحده
 الأمريكية في 11 سبتمبر سنة 2001م ولم يعجبه تصريح جورج بوش أنه لا بد من شن
 حرب صليبيه جديده ضد الإسلام .

رفض المبروك الزول هذه التهمة والحرب الصليبية فكتب هذه الأبيات التي تعتبر

آخر قصيدة غير كاملة في حياة المبروك الزول

ياريتنى صامد امعا بن لادن منحاشن النجمه والصليب تعادن

انعيش امعا وان خاض حرب انخوض نا واياه..

وانكون جندى من جنود الله والحرب خدعه والرجال معادن